

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Program da l'onn 2022

Ursula Palla. Nowhereland

19-02 – 29-05-2022

Ursula Palla, naschida l'onn 1961 e creschida si a Cuira, viva e lavura oz a Turitg. En sia lavur colia ella video cun sculpturas internas e lavura cun materialias sensibilas sco zutger culà, pulvra da charvun ubain naiv. En il focus da sia lavur stat la fragilitad da la natira e da la fauna. Las installaziuns internas e las installaziuns da video dad Ursula Palla èn poeticas ed identifitgeschan a medem temp spazis vids che ans fan in sentiment senza gust che ans fa endament nossa responsabladad envers la natira ed envers l'ambient. Las lavurs da l'artista èn uschia fitg actualas e vegnan gist mussadas en dus museums il 2022: En il Museum d'art dal Grischun vegnan mussadas installaziuns dals ultims 10 onns en l'engrondiment sco er en la Villa Planta. E per il Kunst(Zeug)Haus Rapperswil-Jona realisescha Ursula Palla ina seria da novas lavurs.

Markus Müller. En renovaziun


19-02 – 03-07-2022

Tecnicas sculpturalas sco tagliar, resgiar, storscher u glimar determineschon il vocabulari da furmas da las ovras da Markus Müller (*1970, CH). En il cudesch d'artist che vegn stgaffi sco emprima lavur per l'exposiziun, fa el visibel quests princips plastics e mussa, co che l'idea ed il material sa cruschen. Per l'emprima giada dat uschia l'artist da Basilea cun ragischs grischunas in access a la basa da sia lavur plastica. L'exposiziun daventa uschia ina tribuna, sin la quala i vegnan contractadas sco talas la significaziun da la decoraziun en nossa cultura sco er las dumondas fundamentalas davart la fragilitad dal process creativ.

Wolfgang Laib. Crossing Rivers

19-03 – 31-07-2022

Wolfgang Laib (*1950, Germania) vala sco in dals artists ils pli impurtants dal temp contemporan. Sia lavur sa distingua tras ina profunda relaziun cun la natira ed in mussament d'attaschadadad envers la simplicitad. Sia vita e sia pratica artistica vegnan però influenzadas dapi ils onns 1970 da filosofias orientalas da l'India. L'artist è en quest connex pia sin ils fastizs da l'universal, da l'atemporal ed el lavura cun materialias natirals sco pollen, ris, latg u tschaira d'avieuls. El chatta questa enclatga cumplexiva però er en nossa cultura. En la confruntaziun d'ina pitschna muntogna da pollen da color intensiva cun in reliquiari cristian, furma Wolfgang Laib ina relaziun sorprendenta. La preschentaziun sa chatta sin in champ da ris concepì or da millis muntognas da ris ed ans maina directamain a las funtaunas da sia poetica.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Hermann Scherer. Crennas e chantuns

18-06 – 25-09-2022

L'operar da l'expressiunist Hermann Scherer (1893–1927) è il pli impurtant durant ils ultims 4 onns da sia vita. Qua daventa «Scherer entagliader», cunquai ch'el – inspirà dad Ernst Ludwig Kirchner – va dal tuttatg novas vias. L'exposiziun metta en il focus l'ovra grafica en lain da Scherer e mussa, co che questa tecnica catalisescha sias stentas per chattar novas furmas e per obtegnair l'abstracziun da las figuras. En il center stattan qua ils blocs da stampar da lain originals che vegnan exponids publicamain per l'emprima giada. L'exposiziun è vegnida sviluppada en stretga col-lavuraziun cun il Museum d'art da Basilea. Per concepir l'exposiziun en il Museum d'art dal Grischun a Cuira han ins pudì gudagnar l'artist Vaclav Pozarek.

Stailas venezianas. Art e surcusidas


27-08 – 20-11-2022

Las surcusidas e cunzunt il pitg da crusch han ina lunga tradiziun en il Grischun. L'exposiziun mussa exponats speziels da la ritga collecziun da surcusidas dal Museum retic e confrunta las ovras cun talas dad artistas ed artists internaziunals. I sa mussa che la tradiziun artisanala dal Grischun è vegnida nutrida da differentas culturas gia dal cumenzament ennà. Ord la perspectiva da l'art contemporan vegn accentuada l'actualitad da questa pratica artistica che ha stuì sa liberar da las prescripziuns tradiziunals per observar da nov ils cunfins culturals e socials e per obtegnair da quai in potenzial spezial.

La stanza e la strada. Zoran Music e Norbert Möslang

27-08 – 13-11-2022

Per incumbensa da las soras Charlotte e Nelly Dornacher ha il pictur sloven-talian Zoran Music (1909–2005) da renum internaziunal decorà cun maletgs da Venezia ina sala da festa en la chasa privata da las duas soras a Zollikon l'onn 1950. Questa ovra speziala è vegnida restaurada cun gronda lavur e cun gronds custs a chaschun da la renovaziun da la chasa. Ensemen cun spezialistas e spezialists ha pudì vegnir construi in local mobil per quest maletg, uschia che l'ovra po vegnir rendida accessibla er a la publicitad. Il Museum d'art dal Grischun mussa la reconstrucziun da questa stanza sco local en in local ed envida l'artist sonor songagliais Norbert Möslang (*1952) da render udibel en moda speziala il spazi exteriur dal museum a l'intern dal museum.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Exposiziun annuala da las artistas e dals artists grischuns

11-12-2022 – 29-01-2023

Il nov Museum d'art dal Grischun ha scurlattà visiblamain la scena d'art en il Grischun: la qualitat da las lavurs mussadas, ma er la preschentaziun generusa da las ovas en ils locals gronds e clers dal museum rendan attractivas las exposiziuns per in e scadin: per talents giuvens sco er per las artistas ed ils artists enconuschents che s'inscuntran qua sin il medem nivel: betg per sa mesirar, mabain per entrar en in dialog animà. Quai fascinescha er il public. Per la participaziun a l'exposiziun che vegn accompagnada d'ina giuria, pon ins s'annunziar a partir dal fanadur 2022. En il rom da l'exposiziun annuala vegn surdà il premi d'art da l'Uniun grischuna d'art. La titulara u il titular dal premi ha la pussaivladad da preschentar sias ovas en in local separà.

Premi d'art da l'Uniun grischuna d'art (en il rom da l'exposiziun annuala)

Il premi d'art da l'Uniun grischuna d'art vegn surdà l'onn 2022 per la quarta giada ad in'artista u in artist dal Grischun. Il num da la titulara u dal titular dal premi vegn publitgà la fin da schaner. La promoziun cumpiglia ina preschentaziun individuala en il Museum d'art dal Grischun en il rom da l'exposiziun annuala da las artistas e dals artists grischuns sco er l'ediziun d'ina publicaziun. Cun catalog.

Contact per las medias

Museum d'art dal Grischun
Stephan Kunz
Directur artistic
+41 81 257 28 61
stephan.kunz@bkm.gr.ch